

Inatsisartut Suleriaasianni § 33 naapertorlugu matumuuna Naalakkersuisut aalajangiiffissatut siunnersuut tulliuuttoq saqqummiuppaat.

Uunga siunnersuut: Pinerlunnikkut aningaasarsianik malunnarunnaarsaanermut, qunusiarinninnikkullu anguniagaqarnermut pitsaaliuinermut suliniutitut inatsisini assigiinngitsuni inatsisit aalajangersagaannik allannguinermut, Kalaallit Nunaanni atuutilersitsinermut peqqussummut (pinerlunnikkut aningaasarsianik malunnarunnaarsaanermut inatsit) Namminersorlutik Oqartussat ilanngunnissaat pillugu Inatsisartunut aalajangiiffigisassatut siunnersuut
(Aningaasaqarnermut Akileraartarnermullu Naalakkersuisoq)

Aalajangiiffigisassatut siunnersuutikkut pinerlunnikkut aningaasarsianik malunnarunnaarsaanermut inatsisini assigiinngitsuni allannguutikkut aalajangersakkat arlallit Kalaallit Nunaanni atortussanngortinneqarput. Allannguutit pingaarnertut suliffeqarfinnik inunnillu eqqartuussissuserisuunatik kukkunersiuisuunatillu, eqqartuussissuserisut kukkunersiuisullu sullisinerisa assinganik suliaqartartunut nakkutilliinerit atuutilersinneqarnissaannut tunngassuteqarput. Tamatuma saniatigut nalunaarutiginnittussaataaneq taakkunungalugu isertuussanik kalerriisartut (whistleblower) pillugit aaqqissuussinermik piumasaqaat ilaapput. Allannguutit aningaasalersuisarnermut immikkoortumi inatsisinik nutarterinermut atatillugu ilaatigut pipput. Tamanna nunatsinni inatsisit nunallu tamalaat akornanni immikkoortumi nalinginnaasutut atorineqartut akornanni naapertuuttoqarnissaanik qulakkeerinninniineq siunertaralugu iliuuserineqarpoq.

Pinerlunnikkut aningaasarsianik malunnarunnaarsaanermut inatsit Kalaallit Nunaanni immikkoortunut tiguneqarsimasunut tunngatillugu Aningaasanik peqquserluutinik malunnarunnaarsaasarneq pinerliiniarnernillu aningaasalersuisarneq pinaveersimatinniarlugit iliuuserisassat pillugit Inatsisartut inatsisaat nr. 5, 19. maj 2010-meersukkut aalajangersaaffigineqarpoq. Tamatuma saniatigut immikkoortunut tiguneqarsimanngitsunut tunngatillugu aningaasanik peqquserluutinik malunnarunnaarsaasarnermik pinerliiniaqatigiinnullu aningaasalersuisarnermik pinaveersaartitsisunik iliuutsit pillugit inatsisip Kalaallit Nunaannut atortussanngortinneqarnera pillugu Peqqussut nr. 956, 17. maj 2021-meersoq atuuppoq. Allannguutit uku aningaasanik peqquserluutinik malunnarunnaarsaasarnermik pinerliiniaqatigiinnullu aningaasalersuisarnermik pinaveersaartitsisunik iliuutsit pillugit inatsisip Kalaallit Nunaannut atortussanngortinneqarnera pillugu Peqqussut nr. 956, 17. maj 2021-meersup allanngortinneqarnerata malitsigisaanik pipput.

Siunnersuut aningaasanik peqquserluutinik malunnarunnaarsaasarneq pillugu inatsisimmi aalajangersakkani pingasuni assigiinngitsunik pingasunik allannguinermut tunngavoq, ilaatigullu kukkunersiuisunut kukkunersiuisut pillugit inatsit naapertorlugu akuerineqarsimanngitsunut tunngalluni. Tamatuma saniatigut akileraarusersuisarnermut siunnersortit naatsorsuuserisullu avataaneersut pinerlunnikkut aningaasarsianik

malunnarunnaarsaanermut inatsimmi § 1, imm. 1, nr. 16-imi allassimasunut tunngasut aamma ilaapput.

Malittarisassat makku aalajangersarpaat:

- Erhvervsstyrelsi suliffeqarfinnik pineqartunik nakkutilliisinnaasoq
- Suliffeqarfiit Erhvervsstyrelsip nakkutilliinerani atugassanik paasissutissanik tunniussisussaataasut
- Suliffeqarfiit Pinerlunnikkut aningaasarsianik malunnarunnaarsaanermi inatsimmi isertuussanik kalleriisartut (whistleblower) pillugit piumasaqaatinut ilaatinneqassasut.

Inatsit inunnut inuussutissarsiutinillu ingerlatsisunut ikittuinnarnut atuutissasoq nalilerneqarpoq. Naak tamanna atuukkaluartoq, taamaattoq suliffeqarfinnut inunnullu, ilinniagaasinnaasut akuersissutaasinnaassullu il.il. apeqqutaatinnagit sullississutininik assigiinnik neqerooruteqartunut assigiinnik atugassaqaartitsinissap qulakkeernissaa Naalakkersuisut nalilerpaat.

Pisortanut aningaasatigut kinguneqaatit

Aningaasanik peqquserluutininik malunnarunnaarsaanermut inatsimmi aalajangersakkat atuuttussanngortinneqarnerat kalaallit oqartussaasuinut aningaassatigut kinguneqaateqassangatinneqanngilaq.

Namminersorlutik inuussutissarsiortunut il.il. aningaasatigut allaffissornikkullu kinguneqaatit

Aningaasanik peqquserluutininik malunnarunnaarsaanermut inatsimmi aalajangersakkanik atuuttussanngortitsineq suliffeqarfinnut inunnullu siunnersuummi ilaatinneqartut Erhvervsstyrelsimut paasissutissanik tunniussinerannut atatillugu killilimmik aningaasartuuteqarnermik malitseqassaaq. Aalajangersagaq suliffeqarfinnut inunnullu eqqartuussissuserisuunatik kukkunersiuisuunatillu, eqqartuussissuserisut kukkunersiuisullu sullississutaasa assinginik tunniussisartunut tunngavoq. Kalaallit Nunaanni kukkunersiuisut avataanilu naatsorsuuserisut ataasiakkaat allannguutinit kalluarneqarnissaat naliliutaavoq.

Tusarniaaneq

Pinerlunnikkut aningaasarsianik malunnarunnaarsaanermut, qunusiarinninnikkullu anguniagaqarnermut pitsaaliuinermut suliniutitut inatsisini assigiinngitsuni inatsisit aalajangersagaannik allannguinermut, Kalaallit Nunaanni atuutilersitsinermut peqqussummut siunnersuut (pinerlunnikkut aningaasarsianik malunnarunnaarsaanermut inatsit) piffissami 22. decemberimit 23. januar 2025/2026 tamanut tusarniaassutigineqarpoq. Taamattaq siunnersuut tusarniaaffinnut attuumassuteqartunut toqqaannartumik nassiunneqarsimavoq.

SIK-mit, SISA-mit Bankivimmillu tusarniaanermut akissutininik tigusaqartoqarpoq, taakkulu peqqussummut oqaatigisassaqaanngillat.

Ilanngussat

1. Pinerlunnikkut aningaasarsianut malunnarunnaarsaanermut, qunusiarinninnikkullu anguniagaqarnermut pitsaaliuinermut suliniutinut inatsisip (pinerlunnikkut aningaasarsianut malunnarunnaarsaanermut inatsit) allannguutai arlallit pillugit peqqussutip Kalaallit Nunaanni atuutilersinneqarneranut nalunaarutip eqikkarnera
2. Pinerlunnikkut aningaasarsianik malunnarunnaarsaanermut, qunusiarinninnikkullu anguniagaqarnermut pitsaaliuinermut suliniutinut inatsisini assigiinngitsuni inatsisit aalajangersagaannik allannguinermut, Kalaallit Nunaanni atuutilersitsinermit peqqussut (pinerlunnikkut aningaasarsianik malunnarunnaarsaanermut inatsit)